

Broj: 06-13-5-1264-1/21
Mostar, 03.12.2021. godine

Na osnovu člana 31. i člana 37. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 46. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 9a. stav (3) Pravilnika o metodologiji i načinu obračuna regulatornih naknada za imaoce dozvola – Pročišćeni tekst („Službene novine Federacije BiH“ broj 94/19), postupajući po službenoj dužnosti u postupku utvrđivanja iznosa regulatorne naknade za 2021. godinu za „GLOBAL ISPAT KIL“ d.o.o. Lukavac, ul. Željeznička br. 1, Lukavac, zastupanog po Dževadu Kasumoviću, zakonskom zastupniku, Regulatorna komisija za energiju u Federaciji Bosne i Hercegovine – FERK je 03.12.2021. godine na XXIV redovnoj sjednici donijela sljedeće

RJEŠENJE

1. „GLOBAL ISPAT KIL“ d.o.o. Lukavac obavezno je platiti regulatornu naknadu za 2021. godinu za period važenja njegove Dozvole za rad za proizvodnju električne energije broj 06-03-230/6/11 u 2021. godini u iznosu od 1.083,44 KM.
2. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Članom 31. Zakona o električnoj energiji u Federaciji Bosne i Hercegovine propisano je da se FERK finansira iz prihoda od regulatornih i jednokratnih naknada, koje će naplaćivati od imalaca dozvola koji se bave djelatnošću iz člana 12. navedenog zakona i prihoda od naknada za dozvole koje izdaje, uključujući i naknade troškova na osnovu arbitraže, kao i da će ove naknade biti određene tako da pokrivaju troškove FERK-a, dok se višak prihoda od navedenih regulatornih i jednokratnih naknada, kao i drugih naknada ostvarenih od poslova iz nadležnosti FERK-a, u odnosu na finansijski plan FERK-a prenosi u prihod za narednu godinu. Istim članom propisano je da Budžet FERK-a usvaja Parlament Federacije Bosne i Hercegovine.

Na osnovu navedenog, članom 9a. stav (3) Pravilnika o metodologiji i načinu obračuna regulatornih naknada za imaoce dozvola propisano je da se imaoциma dozvola za obavljanje elektroprivrednih djelatnosti i Operatoru za OIEiEK, koji ne obnove svoju dozvolu u tekućoj godini, iznos regulatorne naknade preračunava pojedinačnim rješenjem u skladu sa periodom važenja dozvole u tekućoj godini.

Prilikom donošenja ovog rješenja, FERK je imao u vidu da je Rješenjem broj 08-11-537-1/21 od 24.03.2021. godine („Službene novine Federacije BiH“ broj 26/21), kojim su utvrđeni pojedinačni iznosi godišnjih regulatornih naknada za 2021. godinu imaoциma dozvole za rad za obavljanje elektroprivrednih djelatnosti i Operatoru za OIEiEK, za „GLOBAL ISPAT KIL“ d.o.o.

Lukavac, kao postojećeg imaoца dozvole za rad za proizvodnju električne energije, u tački 11. utvrđen fiksni dio regulatorne naknade za 2021. godinu u iznosu od 1.000,00 KM i varijabilni dio regulatorne naknade za 2021. godinu u iznosu od 581,82 KM, odnosno ukupan iznos regulatorne naknade za 2021. godinu od 1.581,82 KM. „GLOBAL ISPAT KIL“ d.o.o. Lukavac je, postupajući u skladu sa FERK-ovim obavještenjima o obavezi plaćanja regulatorne naknade, izvršio uplatu regulatorne naknade za 2021. godine u ukupnom iznosu od 1.581,82 KM.

Dalje, FERK je pošao od činjenice da je FERK izdao Dozvolu za rad za proizvodnju električne energije broj 06-03-230/6/11 za „GLOBAL ISPAT KIL“ d.o.o. Lukavac, sa periodom važenja od 08.09.2011. godine do 07.09.2021. godine. „GLOBAL ISPAT KIL“ d.o.o. Lukavac nije obnovilo predmetnu dozvolu za rad u tekućoj 2021. godini. Kako je period važenja predmetne dozvole za rad isteklo za vrijeme važenja rješenja iz člana 8. stav (2) Pravilnika o metodologiji i načinu obračuna regulatornih naknada za imaoce dozvola, odnosno Rješenja broj 08-11-537-1/21 od 24.03.2021. godine, kojim su utvrđeni pojedinačni iznosi godišnjih regulatornih naknada za 2021. godinu imaoцима dozvole za rad za obavljanje elektroprivrednih djelatnosti i Operatoru za OIEiEK, ispunjeni su uslovi da se primjeni odredba člana 9a. stav (3) Pravilnika o metodologiji i načinu obračuna regulatornih naknada za imaoce dozvola. Na osnovu navedenog, izvršeno je preračunavanje iznosa regulatorne naknade, koja je za „GLOBAL ISPAT KIL“ d.o.o. Lukavac utvrđena za 2021. godinu u Rješenju broj 08-11-537-1/21 od 24.03.2021. godine. Preračunavanje je izvršeno u skladu sa periodom važenja Dozvole za rad za proizvodnju električne energije broj 06-03-230/6/11 u tekućoj 2021. godini, te je utvrđena regulatorna naknada u iznosu od 1.083,44 KM, pa će FERK razliku u iznosu od 498,38 KM uplatiti na transakcijski račun „GLOBAL ISPAT KIL“ d.o.o. Lukavac.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja „GLOBAL ISPAT KIL“ d.o.o. Lukavac može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić, s.r.